

Бидэс дунневысь пролетар'ёс, огазеаське!

УДАРНИК

27 Май
1935 арын
№ 30 (184)

П-ПУРГА ВКП(б) райкомлэн но райисполкомлэн органы
(— АДРЕС: М-Пурга УАССР —)

Парторганизациослэсь отчетной кампанизэс ортчытон сярысь

ВКП(б) Обком бюроезлэн пуктэмез

1. П-Пурга районьсы, Ижстальзаводьсы машиностроительной, охотружей, сверлильнотокарной, прокатной но инструментальной цех'ёсын партком'ёслэсь, парторг'ёслэсь но партгруппорг'ёслэсь мотозаводьсы, чугуно-литейной заводьсы, пййшуран пйчал лэсьтон фабрикасы но Наркомзёмьсы парт-организациосын 19 майьсен 19 июнэзь отчетсэс ортчытоно.

2. Отчеты дасяськон ужез но отчетной собраниосыз большевико критикаез но самокритикаез паськыт вольмьтэм вамен ортчытоно. Тужгес ик та ужпумез обсуждать карон дыр'я нимысьтыз ик саклыкэз та'че ужлы вис'яно: организационной но политико-воспитательной уж'ёся партилэсь решениоссэ, озы ик Сталин эшлэсь адямиос понна скулмаськон сярысь, кадр'ёсыз будэтон но соосыз воспитать карон сярысь верам'ёссэ кызы быдэсто.

Партком'ёсыз отчетной собраниос азелы борд газет'ёс но многотиражкаос поттонзэ организовать кароно, коммунист'ёс полын отчетной собранилэн значениез сярысь, производстоын коммунистлэн азымынсь ролез сярысь, отличничествоз вольмьтон понна нюръяськон сярысь, котькуд коммунистлэн идейно-политической буднэз сярысь но азы-ланяз промфинпланэз зечлык-ласянь но лыд ласянь быдэстон уж сярысь беседаос ортчытыны партком'ёсыз косоно.

Партком'ёслэн отчет сётназы одйг секретарьлэн отчетэныз гинэ буйгатсконо өвёл, партком'ёслэсь ваньзэ ик член'ёссэ кысконо.

3. Та верам партком'ёсын отчет сётэмез йылпум'ян ортчытэм бере республикасы кылемаз парторганизациосын партком'ёслэсь но парторг'ёслэсь отчетсэс ортчытоно.

ВКП(б) Обкомлэн секретарез БЕРМАН.

П-пурга районь революционной законностез тиям факт'ёс сярысь

Удмурт республикалэн Центральной Исполнительной Комитетэзлэн пуктэмысьтыз.

П-Пурга районь революционвоф законностез тиям факт'ёс бадзым инты басьто. Нимаз-нимаз сельсовет'ёс массовой уж нуонзэс лязы-тыйзы. Райисполком ласянь но организационно-массовой ужез умой пуктонлы саклык вис'ямын ой вал. Со бордысен революционной законностез тиям факт'ёс луылызы.

Ильинской сельсоветлэн председателез **Акулов** единоличник'ёсыз колхозэ кужмын пыртыны вылысь соослэсь ваньбурзэс таладлям. К-Демьян сельсоветлэн председателез **Шалаев** но единоличник'ёслэсь вал'ёссэс басьтылэм. Со сяна со конституциез но тияз. Сельсоветлэн составысьтыз Тугашев Федорез но Калинин Дмитриез ас сяменыз поттыз. Сы'че ик уж'ёс Н-Юри сельсоветлэн председателеныз Тюрюкинэн лэсьтэмын.

Центральной исполнительной комитет аслаз 10 мае кутам пуктэмын райисполкомлэн председателезлы **Бушмакинлы** та урод уж'ёсыз палэнтны дыраз ужрад'ёс кутытэз понна на вид пуктыз. К-Демьян сельсоветлэн председателез Шалаев суд ужпум'я ответственность улэ кыскемын. Озы ик Н-Юри сельсоветлэн председателез Тюрюкин но суд улэ кутэмын. Ильинской сельсоветлэн председателезлы Акуловлы строгий выговор ялэмын.

ЦИК, Пурга Райисполкомез вань та лэб. уж'ёсыз но конституциез тиям факт'ёсыз жегатскытэк палэнтны косыз.

Сельсовет'ёслы массовой ужзэс умой пуктон понна Бушмакин эшлэ юрттоно но кулэ ужрад'ёс кутса с'езд'ёслэсь решениосэ улонэ пыртоно.

Предлагаю МТС организовать передвижную лесопилку

Колхозник колхоза „Виль-Гурт“ тов. Ожмегов Егор Петрович, вносит предложение организовать при М.Т.С. передвижную лесопилку с приспособлением круглой пилы к трактору. Это даст возможность быстрее обеспечить колхозы стоить-

ными материалами, экономить трудодни и много облегчит труд колхозников.

От редакции: М.Т.С. нужно подработать данное предложение и в ближайшее время дать ответ через редакцию „Ударник“.

СССР-ысь ЦИК-лэн пуктэмез

Центральной Исполнительной Комитет пуктэ: Комсомоллэсь боевой органэзлэсь — „Комсомольская правда“ газетлэсь ужзэ умоятонын вис'яськысь заслугаосыз понна, „Комсомольская правда“ газетлэсь редакторзэ Бубекинэз — Красной звезда орденэн наградить кароно.

СССР-ысь ЦИК-лэн председателез — М. Калинин СССР-ысь ЦИК-лэн секретарез интые М. Уншлихт

„Комсомольская правда“

ВКП(б) ЦК, комсомоллэсь боевой органэз — орден нуллйсь „Комсомольская правда“, — солы данлыко 10 ар тырмем нуналаз зечкыла. „Комсомольская правда“ азы-пала но коммунистлэн ужез понна, бадзым советской кунлэсь егит'ёссэ коммунистмо воспитать карон понна зырдыт нюръяськисен луоз шуса, оске

Ужась класслэсь но колхозной крестьянстволэсь знамязэ дйсьтыса но шонер нуэ,

Культуралэсь, наукалэсь но техникалэсь выльлык'ёссэ киулытйсь умоесь кадр'ёсыз яратыса будэтэ. Ужась класслэн ужезлы асьме социализмо родинамылэн ужезлы егит'ёс полын явтон но сетйськон воспитать каре.

ВКП(б) ЦК.

Праздниклы дасяськыськом

Ми, „Юж. Пурга“ колхозысь колхозник'ёс, колхозлэсь данлыкэс уж вылын зэматыны быгатйськом ни. Милям колхозы асьме районьсы нырысь инты басьтысь колхоз'ёс полысь одйгез луэ.

Туэ тулыс ю кизёнмес кылем арын сярысь трослы зечлык орччылтым. Вазь кизёно культураосыз ваньзэ 512 оа кызыса, 8 нуналскын быдэстимы. Та нунал'ёсы нырысетйзэ пар тыронмес но быдэстем ни. Тырысьёс сёры ик усыяськом. колхозысьтымы ударник'ёс производстоын зэм ик валтысь инты басьтызы. **Исаев Иосиф** но **Баталов Петр** кизённын чюшатекы са ужазы, соос кыкназы ик кизён нормазэс мултэсэн быдэс'язы. **Кальтымова Анастасия** пудо вордонын ударно ужа.

Та праздник азе дасяськыны ми кутскыськом ни. Вал'ёсын чюшатекон понна ипподром лэсьтыськом. Колхозысьтымы комсомол организация но егит'ёс спортивной площадка лэсьтыны кутско. Озы ик хоровой, драматической, музыкальной но мукет кружок'ёс кылдытыса, празникез культурно, шулдыр ортчытыны дасяськыськом.

Милям колхозамы автомобильмы

вань ни. Со праздник нунал'ёсы автомобиле пуксылылмтэ мыйбосыз но пинал'ёсыз ворттылытом. Колхозамы мар ке азинскем'ёсмы вань, ваньзэ возьматом.

Милям 67 арес'ем ударникмы — **Боталов Леонтий** та праздниклы „Виль улон“ ним сётыны куре — Та нунал'ёсы, — шуэ со, — асьмелы выль сямен, зажиточной культурной улэммес возьматыны кулэ.

Ми колхозник'ёс, республиканской но район организациосыз прездник нунал'ёсы колхозник'ёслы кулэ луись вуз'ёсыз, тужгес ик культурной вуз'ёсыз вайыны куриськом. Колхозник'ёслы та навьтэ чебересь костюм'ёс, платьеос но пыдкучка'ёс кулэ. Виль праздник нунал'ёсы вань колхозник'ёслэн но единоличник'ёслэн визьмазы, вуз религиозной празник'ёслэн пережиткаоссы медаз но жыктылэ ни.

Колхозник'ёслэн косэмзыя: колхозлэсь председателзэ воштысь — Соловьев В., ударник'ёс Воронцов Алексей, Баталов Петр, Орлов Кузьма, Заиков Григорий, Романова Анна, Шибанова Анна но мукет'ёсыз.

„Виль гурт“ колхозын ужзы самотёке лэземын

„Виль-Гурт“ колхозын пар тырон кампанiez самотёке лэзизы. Пар тырыны 12 мае кутскыса 21 майлы 25 проц. сяна быдэстамын өвёл. Озы ик скорес лэсьтон борды но умой-умой өз кутскыла на.

Парзэс 8—10 сантиметрлэсь мур уг тыро. Массовой уж пуктэмын өвёл. Горд но сёд пул'ёс одйг бригадин но уже кутэмын өвёл. Бригадной газет'ёс уг потыло, производственной совещаниес 5 бригада полысь, одйгаз но ортчытэмын өвёл. Колхозной борд газет **Шишова Тасия** редакторезлэн азытэм ужаменыз тулыс кизён дыр'я но, али но одйг номерез поттэмын өвёл. Бригадной агитатор'ёс лэб ужало. Кык

номера бригадамсь **Венедиктов** агитатор ужаны но өз малпалля на.

Самокритика но та колхозын пачкатымын. Колхозник'ёс, асьмелэсь ужам трудоденьзэс тодыны, правленилэн конторааз пыран но кышкало. **Венедиктов** счетовод, **Князев** но **Чукавин'ёс** йыр'яськыса колхозник'ёсыз кышкатыса возё.

Ужан тырлык'ёс но коть куд машинаос зор улын кылдэ. Завхоз — **Фомин Яков** колхозлэсь ваньбурзэ куашкатоц мылкыдын ужа. Тазы ужаменызы, уборочной кампанилы но дасяськон уж югдур'ёс кутэмын өвёл. Райзолы эскероно та'че ужэсыз.

М. Волков.

